

序
存往蹟樹來規方志之利豐於國史獲嘉縣乘自清乾隆丙子吳令喬
齡重編後迄今茲無續者悵亦甚矣然非特獲嘉也民國肇造以還其
以志事促各方者奚啻五中三令而成書猶寡於曙星其厥結蓋有二
薦紳先生篤於嗜古濡毫灑翰惟前人成例是紹而於近代新猷孰視
焉若無覩是猶遠適者終日蜷伏室中其弗能達萬里之前程可知也
趨時之士哆談改革晚曩哲所留遺悉鄙為芻狗思盡蕪之以為快是
猶築室而棄其基雖百計庀材其不能大啓爾宇更無疑也維獲亦然
志局之闕肇於十年因循至十七年卒以中廢二十一年五月予來權
篆思有造於是邦而文獻未備慮無所根以善其設施於是重啓志館
聘邑中耆宿陳君耀卿郭君伯英丹忱分司考纂比事屬辭星霜兩閱
稿已大略備矣復以見解錯迕書不得成邑人士為折衷計請於予以
書奉迎予從父既至覩志稿才陳君兼嘉二郭君之能而惜其不能相

河南獲嘉縣志

序

與以有成也爰與予謀謂陳君學博而識偉其考據之精審非特晚近
所希逢抑亦舊志所弗逮惟最近數十年事實亦賴二郭君網羅富兼
採所長以成完璧議定取陳郭三君藁反覆審諦擷其菁華其有關略
更為蒐羅以補綴之計冀英凡五更而功蕙焉嘻幸哉自茲日厥後
土地河渠物產諸志則土宜水利盡得而獲之農業可興也
則知前人在獲具有成勞不可不有以維之而且增廓之也
則覺獲民之負荷已艱弗忍更事朘削且思用所取者為獲士女福也
則兵防志則獲在目前雖幸無伏莽要不能不防患於未雨也
則職官志及人物志中循吏傳則思官斯土者之多非有決髓淪肌厚澤未易
留去後思也
則人物選舉藝文諸志則悟獲亦有才關鑿舍而陶淑之
文化未嘗不可蒸蒸日上也
則民族風俗祥異諸志則哀獲人之數罹災
浸僅存餘息而樸猶未漓當有以繁其生齒而更興於變以進至陶唐
之時雍也然則是書也人目之為方志予操之為治譜後之君子其有

與予同情思登是邑於上理者乎請按籍而稽
中華民國二十三年六月吉日獲嘉縣縣長鄒古愚撰

舊序 萬歷癸卯

彰德府同知張蘊道 五臺

邑之有乘猶國之有史所以存往蹟考風俗明勸戒也故按籍而理者每於志亟焉不佞之視事於獲也意欲有所興除輒進鄉父老問所疾苦暨他掌故具不能悉已及邑乘則謝無有遂懼然曰邑縱疲甚奈何并載籍泯泯也即一旦當事者憫其弊欲訊故實而更張之抑或輶軒使者行有撰述於茲採風問俗余又何藉手對乃決策纂修而苦於案牘旁午未之假也會海虞錫元陳公署邑博錫元世其家學雅擅文譽為具聘請曰以不佞之職在茲土所使一邑之事燦然臚列自不佞責也乃足下借重邑庠獨不能為不佞操三寸弱翰理鉛槧事乎錫元起拜謝不敏余請益堅於是集生徒咨故老搜羅軼事採摭異聞自圖說至雜志得卷凡十越三月而稿竣持以視予予持以視縉紳先生畧如詳定僉曰是編也約而不遺贍而不冗文而不誣質而不俚可以傳矣爰付之梓又一月梓成余將旬當世椽筆弁其首而邑諸生請不佞先

河南獲嘉縣志

舊序

第壹卷第壹

序所以夫衝疲之邑廢墜良多余自視事來宵旦料理如督逋課釐積弊濬河渠節郵傳繕公廨無片畧隙然尚猶琴絲理之而愈覺其勞也則今日所當舉者又寧止一乘而顧亟修之何也徒以舉一廢而百廢可知也展卷間觀土田之硤确則思賦稅之難供慨生齒之流亡則思繇役之難任占曠溢之不時則思儲備之宜預感前哲遺愛之在人則思獲未嘗不可治而治獲未嘗無善政其他力有不足時或未迨者尚冀後未之補葺未易更僕數也大都志具之矣蓋獲志特與別志異別志誇其華實惟恐不盡獲志寫其彫瘵亦惟恐不盡即謂獲志當鄭俠繪圖可也若夫轉瘠為腴變呻為謠俾獲俄成樂土自有當事者主之謹按籍以從

又序

張公治獲之明年慨邑志湮滅故典無徵爰命學博陳君菟散佚詮次其事凡兩閱月而卒業其中要會余既得與聞則宜列數言於首先是

馮上知 邑人

邑政之失非一端更數令皆以不職罷去當事者憂之乃疏議非得才
敏吏已試而有徵者弗勝此擇所屬以公名上公時倅鄰郡則請加秩
郡丞治邑事制曰可於是邑人相慶慰去君子謂斯舉也可以觀政矣
余惟一國之具與一邑同一邑之具與一人同人之身有皮毛筋骨腑
藏血氣善醫者審其表裏然後得其所所以受病而調劑有方邑之志即
國之史此亦人之皮毛筋骨腑藏血氣所具也不備不可以為人不知
其孰是又安知其病而為之去不可以為備先王之訓曰表山川正疆
域分田賦程土俗著風物剛柔燥濕巨細美惡陳風昭事厥垂戴籍豈
文具設哉國之所以國邑之所以為邑猶人之所以為人也撫痛瘡而
問災祥是呼吸相關者夫天下之勢積習有因要於早識而力為之返
建國立邑綱紀命脉如人之生初亦何嘗不强且盛及其情識既透而
外誘相仍其强可立弱也嗜欲日攻而无神内耗其盛可立衰也嗟乎
此可恬然不亟者耶余覽是書邑之戶口非虛而遊閒衆地畝非狹而

河南獲嘉縣志

舊序

第百卷第 六 頁

輸納繁生殖非稀而取用侈習稟非薄而訟獄滋衣冠華興而緩退讓
耕鑿同力而羞賤貧文學漸開而疏本質法令條布而少和平可謂長
華虧根離正入巧種種受病矣此與人之將弱且衰者何異彼夫憫然
顧慮相輕重參疾徐以振起其病而還之强盛者其道可知也公之為
是書有意乎蓋宰物經世本於神情故適可遠小能大始有終也記曰
通於一萬事畢夫公之神情備矣有其一矣此安論治邑於天下事莫
有焉若乃象類具形於指掌義例存法於微言既典且彰是書有足多
實惟陳君之才余勿具論論所以命志意如此志凡若干卷張公晉之
五臺人陳君吳之常熟人也

獲嘉縣 陳禹謨 常熟

又序
獲故有志第刻本無傳每輅軒使者往來欲採風問俗而無從也會郡
郡丞五臺張公來視獲篆百廢具興一日謂謨曰惟是邑之乏來自大
欠事也余以簿書稠濁圖有所撰次而未遑願以屬子謨謝不敏焉公

屬之轉堅遂勉應命先時齋頭故匱所存蠹餘若干帙有舊志副本逸諸籍中蓋未卒業之書也檢而衷之纔得十五既王生維翰手一錄至視前本不能加詳最後得省通志郡總志以證二錄間有前未備者時蓋得十之六七謨更造邑薦紳先生諮訪故實薦紳先生率不憚妮妮而諸生中亦各出所覩記相眎無慮得十之八九謨遂謬為詮次畧者詳之闕者補之俚者文之每卷頭弁以小引中亦時附鄙臆凡三閱月而報竣彙得十卷持以復公公曰盍謀請政乎謨則再造請薦紳先生問据據未當者曰盍汰諸其不該不徧者曰盍益諸謨敬諾於是汰者益者悉如指再以復公公從清閒之燕親為印可付剞劂氏且命序末簡竊惟邑乘猶國有史也昔人作者如常璩之華陽羅含之湘中迄今傳之未泯志所從來尚矣獲之為邑即蕞爾哉乃行山聳秀人文蔚起景物幽勝名賢托栖路通九達輪蹄輻湊則衛以南之名區也地既硤礪而農復媾民實凋瘵而繇偏繁財本耗詘而賦特重則河以北之巖邑

河南道志

舊序

第壹卷第壹

四

也是且得無志乎願向之臨宰於斯者率倥偬政事安問圖籍百餘年未竟弁髦置之自公之治獲也剗繁若暇應猝若嚮理難若易遂得以簿書餘閒修百年墜典甚盛舉已謨即不敏敢不圖所以報稱者是後也微近事於往牒參臆見於輿論卑樸毋華寧簡毋冗設以為言多鄙樸事罕圓備則誠有之如以為構虛辭助實錄吾知免矣第不識可藉手以報公否

舊序 順治己亥

知獲嘉縣事 李玳 沔縣

余奉命來蒞茲土下車未閱月即奉臺檄以邑志之未報竣也復理前諭役即纂修喟然曰志也者一邑之典章文物於是焉備所係顧不重哉乃居官者恒視為不急之務置而弗問即或有志編纂又以簿書填委遞謝未遑日復一日編殘簡斷文獻無徵伊誰之咎歟獲嘉舊志修自前明萬歷迨興朝定鼎百度惟新且十六年來厚澤深仁淪浹寰宇而志猶闕焉未載是又烏可少緩爰聘耆宿分類編修舊志之訛者刪

缺者補斷者續凡戶口之盈縮土地之肥瘠賦役之繁簡風俗之澆淳
科目之盛衰營建之新舊與夫忠臣孝子文人節婦之潛德幽光靡不
網羅搜考彙著於篇而一邑之典章文物於是乎畧備矣稿成得以藉
手上獻是後也余不敢居功這上臺之罰責已耳雖然志猶史也修國
史者必旁稽者郡縣志異日輜軒使者採風蒞止而獲之文獻不至廢
缺無徵則斯志之修亦不無小補云

舊序

康熙丁卯

河南章欽文 宛平 巡撫

國史之例有紀有傳有表有志志也者其史家之一體與然郡邑各有
志乘以辨疆域系人物稽戶口之贏縮覘政理之善敗山川風土歲月
日時瞭然在目國史之規模亦駸駸乎備具焉獲嘉故漢縣介懷衛之
間無崇山大川物產稀少民生鮮見外事頗淳朴稱易治迺自明季流
寇蹂躪以來城市村墟亦畧盡矣興朝定鼎威德遐暢流移漸復廢壞
臬舉於是三韓賈公撫此土輯河內通志凡在屬邑皆纂成書體裁鉅

河南獲嘉縣志

舊序

第...卷第四

麗蒐討精密為時所稱然初出湯火生齒物力凋耗之餘未盡生息又
國家庶事創起綱紀恢張而節目有待今上御極二十餘年中深仁大
澤浸灌涵濡地德天和呈祥効順加以綜理經畫日益周緻典章文物
日益明備水利農田之日闢兵屯郵傳之日修建置營繕之日增學校
科目之日興節考文章之日盛視昔殆不啻倍之矣夫史多集成於異
代而志必隨時為修改且史以紀往蹟而垂鑑戒而志者所以昭憲典
明王制固當時奉為法守者也而闕畧焉不備可乎茲邑令馮君以重
修志稿呈其排纂搜輯多有補前人所未逮者余覽之而不禁三嘆也
自守令之官每不得久於其職其視官若傳舍然至有宦於斯土而詢
其土風人物之盛衰舉廢沿革之始末喙口而不能對者能悉心講求
以備遺志而存典故者蓋亦無幾人也雖然此特其見之筆札者耳苟
率此而一一舉行至於國計民生豈小補乎哉兩河屬邑以是為標準
焉而余所藉以上答聖明下慰人士者亦庶乎其無負爾已既重嘉其

意又因以示勗焉

又序

和衛輝 金雲鳳 三韓

考之周官有內史有小史有列國之史其小而相附以見者各有紀事之書又小史之遺也古聖王命太史氏採列國風謠上之天子其間掌載故實而人心風教興善備敗之道寓焉今之一邑百里不依然古小侯國哉在昔若晉董狐楚倚相各以其地之良照耀一時自秦人郡縣而後古法寢廢雖省郡視大國屬邑視附庸沿習古意襍見修舉而世掌不專臨文多隱治忽詳畧之間蓋闕有間矣方今與圖一統聖天子徵文考獻命各省郡縣繪纂志書以備披覽此衛輝之六屬各修輯縣志彙呈甚盛典也適者獲呂志告成馮令請序其首予披閱久之見有山川出雲物原隰丘陵陂澤產財貨社稷壇壝主祈報凡戶口有增耗賦役有繁簡人才有盛衰官秩有賢否備載無遺因之悻悻有感也夫其志建置也如城垣昔築以土今易以磚未嘗勞民傷財也其志丁戶

河南獲嘉縣志

舊序

第壹卷第壹章

賦役民間視凋於昔自寧山衛歸民籍後三百年之繁衍土地之肥饒較半富於民戶學校人才亦廣於昔額應視大縣惟訟獄差多耳凡此皆今昔之殊也今而後馮令勉乎哉豈惟馮令即予謬忝師帥承流宣化責任匪輕覽丁男戶口則知民生之所由盛衰覽賦役輕重則知國儲之所由盈絀覽科名學校則知文運之或降或升此志豈非凜凜一官箴哉今與賢令尹約尚其加意民生留心教養勿負國家陳殷置輔之至意庶不至曠廢職以貽覆餗之咎即予亦藉手觀成感荷良多矣是為序

舊序

乾隆丙子

翰林院庶吉士 吳喬齡 吳郡

自京省以迄郡邑靡不有志備物垂規昭往訓來其書固與政相通也願志雖多而佳者鮮觀其病有二或但取計簿而其言不文或徒炫博洽而其誠不著言不文不傳誠不著亦不傳昔人謂必使涉於學者纂之則夸與鄙之病庶可免矣中州之志如邵二泉之許州崔子鍾之彰

德俱見稱於漁洋先生崔志予未見比署符許昌亟購邵志則書已無存見續修之汪志義例無統事蹟疎漏竊嘆前有作者而不能述書彼竹帛豈易事哉獲嘉縣志修自康熙丁卯距今六十餘年余承乏之初即思重訂顧以簿書填委未遑搦筆思得一涉於學者相助為理因循者久之甲戌之春李上舍延之遠來視余歡然道故外商及志事上舍許肩其任於是綜核舊籍網羅近聞凡舊志之復者刪訛者正冗者節缺者增每一卷成吾兩人必更相質訂往復數四期於明備之中不失謹嚴之旨今年丙子秋剞劂始竣蓋閱再期而後成書焉昔元史之修不逾六月當時秉筆者皆一代文章宗匠而其書繁冗重複轉出諸史下無他時太迫也少陵亦云能事不受相促迫余幸得久於其任凡境內斷碣殘碑與故家遺文墜什得以從容蒐採考証其得失抉摘其異同兢兢焉去夸與鄙固不敢自詡為佳而以視舊志則或有過之無不及矣且夫地志一書固與政相通者也羅鄂州之志新安也曰知儉易

察息耗裁濶隘以斯為務程篁墩志休寧亦曰公歛厚薄民生豐儉吏治得失士習淳正俗尚澆淳胥著斯籍余惟二君之言是則故撰錄之際必信必徵而於民生休戚治道因革一篇之中三致意焉後之官斯土者不下堂皇一展卷而已識為政之梗概則以是書為地志也可即以是書為理縣譜也亦可上舍名棟籍隸浙之嘉興為前直隸制府遯麓公子學人也

修志姓氏

明萬厯癸卯志彰德府同知管縣事五臺張蘊道編次署教諭事常熟
陳禹謨纂修

國朝順治己亥志知縣沔縣李玳較梓邑人郭獻吉王政舉纂修賀行
素侯宜躬評論郭禦鋒岳素中王士哲訂正秦祚張執誠馮烈采輯

康熙丁卯志知縣徐州馮大奇校梓邑人賀振能郭元暹纂修劉克俊
和光裕評論王廷楫郭植材訂正郭元昇劉文裕采輯

乾隆丙子志知縣吳都吳喬齡纂修浙人李棟同纂鄭洽分校邑人賀
翰儒賀長喜馮惟憲張謙益採輯參訂郭家相李夢白傅世卿劉上卿

浮運漪陳邦梁陳世儒陳世孝岳以安岳耀棠謄錄
民國二十三年新志縣長吉安鄒古愚編次邑拔貢陳熙光郭培書舉

人郭之儔分撰吉安進士鄒鵠合纂縣技術員楊會文繪圖馬長城楊
振綱孫煥鼎孟良佐王進業徐文燦曹發和採訪

凡例

一舊志僅分八類吳志譏其多未穩括而區為三十門然裂可合者而強之分亦未免過於繁碎茲取可合者合編之不可合者分紀之共得十四項曰地理建置賦役河渠兵防人物職官選舉民族風俗藝文金石物產祥異

一縣志所紀應以縣境為範圍若取通國通省所共之典章法度洪纖備舉則與國史通志何殊茲編於率土所同者專言獲嘉奉行情形即有時不免牽涉亦惟槩括大致未敢詳載細則以災黎棗

一禹貢言三壤周禮亦重土會土宜土均土圭之法乃後之志地者僅言其形而不及其質即略分中沙礫而語焉不詳於閭閻仍少裨益茲增地質一目附以氣候匪曰好奇良欲使獲人有所依據以便樹藝而裕民生

一星野之說昔人如洪容齋閻百詩等早議其疏况獲嘉不足當一星

河南獲嘉縣志

凡例

卷之二

又星乎數星之間其躔度尤難懸定而舊志引占星家言以室壁為獲之主星亦明知其不可信而特以為前人必有所見丁此科學昌明時代豈能更為徇恍之談今闕之

一黨部為指導機關用特置諸公署之上藉符以黨治國宗旨

一文明程度恆隨交通為進退而舊志無此名目當由處境隔闕無所

取材方今往來之便消息之靈百倍疇曩因於建置中特闕交通一門

詳為登載以濟民智

一章實齋謂古蹟非建而置之寺觀不足為建置然曠土何蹟可指既

以古蹟名其蹟即由古人建置而來即不盡然而後人懷舊思古亦必

畧有建置以資紀念既有建置即無論其關係之輕重皆可列入建置

中無事嚴加區別以滋破碎之譏

一我國志乘大率詳於官政而畧於民事遂使數千年社會狀況及其

變遷因果盡歸湮沒良堪浩嘆茲編於民事刻意求詳如民族宗教生

活習慣娛樂誘語諸項目固為舊志所無即禮俗及歲時紀畧亦較舊志徵引繁富惟為時勢所格尚有無從蒐羅與蒐羅不及者後之君子其賡續而擴張之以臻於完備是所深冀

一宗教似與風俗無關然數百年前吾民大都崇拜釋道後何以信奉耶教此中國自有風氣而宗教之宣傳又足以化民成俗因列之風俗中

一人物以身後為論定此自來載筆家不刊之典故獲嘉現在雖有可傳之人亦未便為立傳惟節婦年老者更無改絃易轍之虞雖尚健存於例得書

一循吏流腐似不當與地方人物並列惟春秋本取屬比列傳尤貴圓神故孟荀可繼以鄒衍而申韓亦附於老聃方志雖不可與國史同論而循吏流腐有功德風教在地方既不能以其不同方而屏置弗載則即為之另立政畧事畧諸名目究之人非土著仍不免於延賓而籍貫

河南獲嘉縣志

凡例

第一卷 第一

已各具本傳中即接踵並書亦何至與主人混淆茲仿賓雁入羣出羣

之格分置列傳首尾庶門類不至棼煩而賓主仍秩然不亂

一舊志有名釋一門生今日信教自由時代原無事效韓昌黎闢異端

惟佛本空門而所稱為名釋者乃奔走於形勢之途是自與教義相矛

盾奚取焉且其事已詳古蹟及金石志中贅述胡為今削其傳

一舊志取歷史涉及獲嘉者及神鬼怪奇之事編為雜志今於有關獲

嘉史事業已採其要語比類登載所餘陳言何煩具舉至搜神志怪非

特為近世諳科學者所弗滿亦大戾孔聖人不語之心茲不錄

一不知而作昔人所戒是志於遜清乾隆以前時事大率取材舊志間

有訛誤必得古籍確據方敢更正近事則專就採訪所得檔案所存賡

載於後其有不知概付闕如未敢避固陋之譏憑臆虛造以充篇幅閱

者諒之

目錄

卷首
凡例
序

目錄

舊序

修志姓名

繪圖

地質

卷一
地理沿革

疆域

形勝

山川

卷二
建置
城池附街市寨垣鄉村

交通

卷三
建置
學校
黨部
公署附倉庫

交通

卷四
建置
祠祀
宗祠
寺觀
古蹟附坊表
冢墓

卷五
賦役
土田
賦額

歲計

卷六
賦役
徭役
雜稅附公債

歲計

卷七
河渠
兵防

卷八
民族
氏族
戶口

卷九
風俗
特性
宗教
禮俗
歲時
生活
習慣
娛樂

卷十
職官

河南獲嘉縣志

目錄

第一卷

卷十一
選舉

卷十二
人物
循吏
鄉宦

卷十三
人物
忠烈
孝友
義行
文學
隱逸

卷十四
人物
列女
流寓

卷十五
藝文

卷十六
金石

卷十七
物產
祥異

獲嘉縣志卷一

地理

言地之書導源於禹貢敘州而後博稽山水並及田之上下土之黑白青黃至備也獲嘉為縣變遷數四境內山河幾類蟻垤蹠涔而地質尤為磽薄然陋而莫之筆厥土不可得而稽又烏可得而治志地理

沿革

今之獲嘉非漢所建之獲嘉漢所建之獲嘉在今新鄉縣西南之故城村

一統志新中鄉在新鄉西南十二里漢置縣屬河內郡

漢武帝元鼎六年上將幸緱氏至汲之新中鄉得南越相呂嘉首因即其地立獲嘉縣

漢書武帝紀元鼎六年東將幸緱氏至左邑桐鄉聞南越破呂為聞

河南獲嘉縣志

第一卷第一頁

喜縣春至汲新中鄉得呂嘉首以為獲嘉縣

其地在周為鄘國地

唐杜佑通典鄘城在新鄉縣西南三十二里

按宋樂史太平寰宇記鄘在汲縣東北十三里一統志鄘在汲縣東北周初所分之國皆與通典不合竊考鄘立國未久即併於衛

孔子刪詩已難分析何況後世惟詩注言邶北鄘南皆衛之境而

衛濱大河今新鄉獲嘉在古皆臨河之地固不必究其城之所在

而知其為鄘地也

春秋昭公十一年晉會諸侯於厥慙即此

春秋左傳杜預集解云厥慙未詳高士奇春秋地名攷畧云在新鄉

秦為三川郡汲縣地

河南通志秦為三川郡汲縣地衛輝府志秦為三川郡地屬衛州而

續通志則云秦屬東郡蓋因宋馬端臨文獻通考衛州秦為東郡三

川二郡之地不知馬氏所云二郡之地者以衛州滑濬等縣皆秦東
郡之地汲獲等縣皆秦三川郡之地也獲嘉較汲尤西自係三川郡
地不得為東郡地

漢始立獲嘉縣屬司隸部河內郡

後漢為侯國隸司隸校尉部河內郡

後漢書郡國志獲嘉侯國

馮魴傳建初三年詔魴朝賀就列侯位子柱尚顯宗女獲嘉長公

主子定定弟石襲母公主封獲嘉侯卒子代嗣代卒弟承嗣

三國魏仍為獲嘉縣隸朝歌郡

河南續通志三國屬朝歌郡

衛輝府志三國魏獲嘉隸朝歌郡

晉仍為獲嘉縣隸司州汲郡

晉書地理志司州汲郡獲嘉故汲新中鄉漢武帝行過時獲呂嘉首

河南獲嘉縣志

卷第二

因改名

東渡後陷於胡帝奕太和五年庚午為燕慕容暉建熙十一年暉使其

弟斌於獲嘉故城東北築新樂城即今新鄉縣治也

晉書太和五年燕慕容暉使其弟斌城新樂

酈道元水經注新樂城在獲嘉縣故城東北即汲之新中鄉

後一百三十年至魏孝文帝太和二十三年己卯復置獲嘉縣治新

樂城隸司州汲郡

魏書地形志司州汲郡獲嘉二漢屬河內晉屬後省太和二十五年

復治新樂城有獲嘉城

越五十八年為齊高洋天保七年丙子省共縣移獲嘉以治之

宋樂史太平寰宇記高齊天保七年省共縣移獲嘉就古城以處之

又二十九年至隋文帝開皇四年甲辰復置共城縣移獲嘉治於脩武

城即今治所也

太平寰宇記隋開皇四年移獲嘉治於修武城
唐魏王泰括地志獲嘉古修武縣亦即古之南陽
唐李吉甫元和郡縣志獲嘉西南至懷州一百六十里高齊自故縣
移於共城隋又自共城移於今理
一統志今獲嘉縣治即古修武亦即寧也
清胡渭禹貢錐指修武故城在今衛輝獲嘉縣西北
其地在上古為寧邑屬冀州
胡渭禹貢錐指冀南亦距河自蒲口雷首折而東經芮城平陸垣曲
及河南懷慶府之濟源孟縣溫縣武陟衛輝府之獲嘉新鄉汲縣是
為南河與豫分界
清蔣廷錫尚書地理今釋獲嘉屬冀州
清欽定春秋傳說彙纂今獲嘉縣西北有修武故城古寧邑秦置縣
顧祖禹方輿紀要圖說獲嘉古寧邑修武或殷州

河南獲嘉縣志

第三頁

周武王伐紂改曰修武

韓詩外傳武王伐紂到於邢邱楠折為三天雨三日不休武王懼名
太公而問之曰意者紂未伐乎太公對曰不然折為三者軍當分為
三也天雨三日不休欲灑兵也乃修武勒兵於寧更名邢邱曰懷寧
四修武

羅泌路史獲嘉有寧城故修武

宋歐陽志與地廣記修武本商之寧邑武王伐紂勒兵於寧更名修

武

顧祖禹方輿紀要圖說獲嘉周之修武地

其後分封為鄘國地

通典鄘城在新鄉縣西南三十二里

新鄉縣志古之鄘城在店後營之南

按店後營距新鄉城二十七里距獲嘉城二十三里其西五里為

寺庄西南十里為丁村皆獲嘉屬地則今之獲嘉亦古鄆國地也
又分封為凡國地

袁山松郡國志共縣有凡城周凡伯國

李吉甫元和志故凡城在共城縣西南二十里

一統志凡城在輝縣西周凡伯國

按凡城今為輝縣村名其西一里為獲嘉之穆庄其東南四里為

獲嘉之石庄其北之南雲門南之秀才庄皆有獲嘉地是今之獲

嘉亦兼凡國地也

又為衛國地

姓源甯姓衛康叔之後食采於甯以邑為氏

按春秋時衛人甯越以飯牛于齊桓公衛甯俞有道則知無道則

愚皆甯氏之後也

春秋戰國亦曰南陽

河南獲嘉縣志

第一卷第四頁

魏鄆道元水經注修武故甯也亦曰南陽矣

或屬鄭

左隱公十一年周桓王與鄭人蘇忿生之田曰櫟茅杜預注今修武

縣北屬汲郡

或屬晉

左僖公二十五年晉侯朝王請隧弗許與之陽樊溫原櫟茅之田晉

於是始啟南陽杜預注晉山南河北故曰南陽漢書注應劭曰晉始

啟南陽今南陽城是也秦改脩武

或屬衛

左文公元年晉襄公既祥使告於諸侯而伐衛及南陽杜預注今河

內地

或屬韓

史記周本紀秦召西周君君惡往故令人謂韓王曰秦召西周君將

以攻王之南陽也王何不出兵於南陽周君將以為辭於秦周君不
入秦秦必不敢踰河而攻南陽矣
又白起傳十四年白起攻南陽太行道絕之集解徐廣曰北南陽河
內修武是正義曰案南陽屬韓秦攻南陽羊腸道絕矣

或屬魏

戰國策秦攻魏取寧邑諸侯皆賀趙以秦得寧邑以制齊趙賀之不
得令諒毅往乃得

又樊餘謂楚王曰魏有南陽注河內修武晉始啟南陽是也

或屬秦秦一天下立修武縣隸三川郡衛州

史記秦本紀昭襄王二十三年客卿胡傷攻魏破芒卯軍斬首十五

萬魏入南陽以和晉裴駰集解徐廣曰河內脩武古之南陽秦始皇

更名

又魏世家安釐王四年秦破我及韓趙段干子請與秦南陽集解徐

河南獲嘉縣志

第一卷第五頁

廣曰在脩武

又魏王四十二年魏割南陽與秦

衛輝府志獲嘉縣秦修武縣三川郡地屬衛州

漢高帝二年置修武縣屬河內郡隸司隸部

史記漢二年定河內軍於修武尋置縣

前漢書地理志河內郡縣十八其第十一曰修武注應劭曰晉始啟

南陽今南陽城是也秦改曰修武臣瓚曰韓非書秦昭王越趙長平

西伐修武秦未兼天下修武之名久矣節古曰瓚說是也劉敞曰予

謂修武則因武王伐紂名之據此秦未得天下即有修武則修武非

秦立更不得為漢立也史記言高帝二年立縣者不過謂始得此縣

耳又按自武王伐紂即有修武之名然見於左傳國策者或言寧或

言南陽未有稱修武者直至秦漢之際修武之名始顯則應劭之言

亦不為無據臣瓚所引亦係秦事安知非於伐之後易名修武而追